



✧ PENYERAKUP DALAM KRISTUS ✧



"Aku minta kita, menyadi, dalam nama Tuhan kitai Jesus Kristus, awakka semua kita besetuju, lalu anang bepechah-belah antara kita, tang beserakup dalam runding enggau runding ti sama"
(1 Korint 1:10, ESV)

Udah bekau iya meri tabi basa ngagai orang Korint lalu muji sida ketegal pemansang roh sida, Paul lalu bejaku pasal penanggul ti keterubah ti nuntung eklisia nya: penanggul ti enda beserakup.

Sepemanjai surat ngagai orang Korint, enggau surat bukai ti ditulis Paul, kitai meda baka ni iya meri kitai garis lalau dikena mutarka penanggul tu, ti mega tau nuntung gerija kemaya hari tu.

Siti pekara ti terang ari pun: penyerakup dalam gerija enda ulih dijapai nengah pengawa mensia. Semina enggau fokus ngagai Jesus aja kitai ulih bulih penyerakup.



⇒ Penanggul ti ngasuh enda beserakup:

➔ Bepechah enggau belaya

⇒ Chara ngetanka penyerakup:

➔ Serakup dalam Jesus

➔ Penemu enggau penuai

➔ Bekerja enggau pamaruh ati


➔ Bebasaka ketua



PENANGGUL TI NGASUH ENDA BESERAKUP

BEPECHAH ENGGAU BELAYA

"Aku minta kita, menyadi, dalam nama Tuhan kitai Jesus Kristus, awakka semua kita sepenemu, lalu nadai bepechah-belah antara kita, tang beserakup dalam runding enggau penemu ti sebaka." (1 Korint 1:10)



Nama penyarut ti bisi dalam gerija di Korint (1 Kor. 1:12)?

Mayuh ketuai udah nengah Korint, lalu tiap iku orang ti arap bisi penginjil ti dikerinduka sida (Paul, Apolos, Peter...) Pekara tu udah datai ba tikas ti tau ngadaka laya antara sida (1 Kor. 1:11).

Enda sedarka semua sida nusui pesan ti sama, sida fokus ngagai aspek ti nadai besangkut paut (1 Kor. 3:5-8).



Enggau belubah, pemansang gerija bisi kena empas (1 Kor. 3:3). Penanggul enda beserakup nya ngasuh pengawa ngintu Pengerami Makai Lemai Tuhan nya ngelimpangka diri (1 Kor. 11:33), nyau nyentukka sida nyaman pangan diri ba kot (1 Kor. 6:1).





CHARA NGETANKA PENYERAKUP

SERAKUP DALAM JESUS

"Allah Taala endang tau dikarapka, Iya ke udah ngangauka kita ngambika kita begulai enggau Anak Iya, Jesus Kristus Tuhan kitai." (1 Korint 1:9)


"Kati Kristus udah bebagi? Kati Paul udah diregang ketegal kita, tauka kita udah dibaptisa dalam nama Paul?" (1 Korint 1:13). Enggau tanya tu, Paul deka ngasuh sida belematika utai.

Penyerakup semina ulih dijapai enti kitai bisi Jesus nyadi Tuhan kitai. Penyerakup ukai dijapai nengah chara bepegai ba runding tauka penemu menyadi lelaki tauka menyadi indu, tauka nengah chara numbuhka raban ti betutup.

Tang penyerakup dalam Jesus nadai seragam. Ukai reti iya semua kitai sama runding pasal semua utai, tauka semua kitai ngereja utai enggau chara ti sama.

Telisah penemu ti mit, pemerit ti bebida ti dikembuan siku-siku, lebu iya bepusat ba Kristus, ari ti ngasilka penyarut, ngasilka penyerakup (1 Kor. 12:12-13, 25, 27).

Penyerakup dalam gerija semina ulih dijapai enggau mati ke diri empu mati lalu idup ke Jesus.



PENEMU ENGGAU PENUAI.

“Menyadi, aku enda ulih bejaku enggau kita baka orang ke idup ulih Roh Kudus, tang baka orang ke agi enggi dunya, ke semina anak mit dalam Kristus.” (1 Korint 3:1)

Paul ngumbai orang Kristian ti bedau tuai runding, “anak mit dalam Kristus,” “enggi Dunya” (1 Korint 3:1). Orang Kristian ti bansa tu lebih agi fokus ngagai orang ari ti fokus ngagai Jesus.

Lebuh tanggungjawab ti enda patut diberi ngagai sekeda tuai ke ngambi ulih ari orang bukai, raban betumbuh deka mechahka gerija. Tu asil ari bedau tuai runding. Nya alai, Paul ngangau kitai datai ba tikas tuai runding dalam Kristus (1 Korint 2:6).

Bedau tuai



Sidanya anak mit
(1 Cor. 3:1)



Sida agi nusu
(1 Cor. 3:2)



Sida enggi Dunya
(1 Cor. 3:3)




Sida limping nitih
ka penemu orang
bukai (1 Cor. 3:4)

Udah tuai



Sida orang udah tuai
(1 Cor. 14:20)



Sida makai pemakai
ti kering (Heb. 5:14)



Sida orang kudus
(1 Cor. 2:13)



Sida bisi penemu
rohani (1 Cor. 2:14)

BEKERJA ENGGAU PEMARUH ATI

"Nya alai, baka tu meh chara kita patut ngira kami: nyadi ulun Kristus, enggau orang ke diberi tanggungpengawa ngemataka misteri ti udah dipadahka Allah Taala." (1 Korint 4:1)

Sama baka kediatu, ba kurun keterubah orang bepechah-belah ketegal politik, penemu-dalam, pengarap, enggau utai bukai. Baka ni kitai ulih nagang chara berunding tu ari ti meresap ngagai gerija lalu ngaga penyarut?



Peranggai ketuai nya berguna amat. Bala tuai gerija mesti terang pasal pengawa sida nyadi steward. Sida ukai orang ti bempu gerija; sida semina ngatur iya ke Kristus.

Ketuai gerija nya Jesus, semua orang bukai nya nyadi pengiring "bekerja ka Kristus" (1 Kor. 4:1).


Nembiak ti ngatur pengawa mesti beperangai baka Tuhan iya: seruran sanggup enggau baruh ati meri diri gawa ke orang bukai (Plp. 2:3-8).

Nama penyerakup ti deka nyadi dalam gerija enti semua orang – ukai semina bala tuai aja, tang tiap iku kaban – ngereja pengawa baka tu?



BEBASAKA KETUAI

"Diatu orang ke ngemataka utai ti dipinta iya nya orang ke tetap ati." (1 Korint 4:2)



Penatai penyarut enggau puak ti ngelingi bala ketua ukai reti kitai patut nulak sida. Sebalik iya, Paul nyukung sereta ngetanka pengawa Apollos enggau pengawa iya di Korint (1 Kor. 3:5-6; 4:6; 16:12).

Lebuh tuai ngereja pengawa enggau tetap ati, sida patut diberi basa (1 Kor. 4:2; 1 Tim. 5:17). Tang taja pan sida enda nerima basa nya, sida mengkang tetap ati laban sida nemu Allah Taala Empu, ukai mensia, ti patut ngakim sida (1 Kor. 4:3-4).



Frank enggau Walter Bond nyadi orang keterubah bejalai ka pengarap di Sepanyol. Walter mati ketegal pengarap iya ngagai Jaen ba taun 1914.

Bala tuai orang Kristian nitihka singkang Jesus enggau sanggup merinsa ketegal bala menyadi sida, lalu indah enti patut, sida mati ketegal pengawa sida (1 Kor. 4:11-13; 2 Kor. 11:23-28).

Bala tuai tauka kaban ukai dikangau belaya tauka beserekang enggau pangan diri, tang begempung muji Jesus sereta nusui pesan regang.



“Nadai utai ulih ngemanahka penyerakup ti sempurna dalam gerija selain ari iya ti ngembuan roh pengeliat ati baka Kristus. Sitan ulih naburka penyarut; Kristus aja ulih ngasuh penyerakang penemu nyadi pemaik....Lebuh kita ti nyadi orang ti bekereja dalam gerija ti besaksi ka pemesai kuasa Allah Taala sereta rindu ka jiran kitai baka ke rindu ka diri empu, dia nadai deka bisi penusah enggau penanggul diau bebaik enggau beserakup enggau pangan diri, kitai deka nyadi siku dalam Kristus, lalu nadai siku deka mansut jaku petenah enggau pangan diri. Bala kaban gerija deka ngembuan pengerindu enggau penyerakup lalu nyadi baka siti ruang bilik ti besai. Nya baru kitai deka besaksika Allah Taala udah ngirumka Anak Iya ngagai dunya.”

EGW (Reflecting Christ July 5)